

廣東通志

卷五十八之下


內閣文庫			
函	冊	號	類
四	六	三	漢
九	九	六	書

內閣文庫			
架	冊	號	類
二	六	九	漢
九	九	六	書

(三五五卅)

內閣文庫			
番號	漢	3969	
冊數	692 (553)		
函號	291	97	

一五五三



一年不調毋沒終喪二年卒年三十九官終文林郎

據潮州志

許驀中之八世孫登紹熙二年進士乙科為惠州府

推官調南恩僉幕居官有守遇事不詭隨丁父憂歸

卒于家年三十九官終從仕郎

據潮州志

胡彥忠曲江人五世同居慶元己未經幹吳豐假宿

其家深加獎歎為言於臺閩列上其事旌表其門吳

豐贈詩云古羊人物舜風餘百世傳來只舊廬為愛

一門能守義相承五世不分居

據韶州志

王介南雄人寧宗慶元中峒寇剽掠鄉村逼城下介

茂年文庫

遂奮勇當先搗退之以功擢武德將軍御題賜旗云
海外四州都安撫使人皆榮之

據南雄志修

陳公祐保昌人宋嘉定間與弟汝賓同居共爨至本
朝成化間禮恭迪恭勝恭演恭及其子孫凡十二世
食旨九十餘內外雍睦絕無間言且性任天真不事
文飾家法淳整人以義族稱之成化甲辰知府江璞
躬至其家禮獎勸書至和堂美之以勵風俗弘治壬
子知府林符覈實以 聞未蒙旌表 據南雄志修
吳英南海人生而資幹魁梧有謀畧嘉泰四年海寇
竊發有司募人捕之英往應命乃設伏要害處出其

不意擒獲無算特授承信郎開禧二年有邊警調發
守把漢川防拓江面虜陟至英請於主將自往偵之
英服漁人衣操小舟往來洲渚間虜不疑也游騎覺
之手刃一人而還因得其虛實由是益知名嘉定十
年除平江府駐劄御前都副統制十三年轉武翼郎
陞御前諸軍都統制十五年轉武經郎十六年轉武
節郎又明年轉武德郎淮上却敵多建奇績寶慶改
元上賜御筆獎之有曰昨因兩淮屢警爾吳英能統
率舟師措置捍禦功冠行列特轉兩官賜金帶以榮
爾躬爾尚益懋乃績予則汝嘉於是轉武議大夫拜

團練使英捧詔感奮淮口之役躬冒矢石爲衆隊先
乘風急縱火焚虜舟五百餘艘虜大奔斬首千餘級
尋戰于北神鎮又縱火燒斷橫江鐵鎖虜引去及虜
圍鹽城親率舟師登岸死戰連獲大捷累功轉左武
大夫防禦使卒於家年八十四特封南海縣開國男
贈官至節度使英爲人智勇然在人前默默如無能
者愛養士卒不吝醲賞或官無所給即以已資代之
故能得其死力所向有功平居有馳騁伊吾之志每
聞和議成輒眠食不安者累日其忠憤可尚也子三
人長宗道知賓州官至武功大夫次宗達武功大夫

知循州次宗遇累官脩武郎據廣州人物傳修

劉青其先亳州人建炎初高宗南渡寓信州繼遷端
州龍津坊遂家焉父經以武功官至武經大夫著績
陰青授汀州都監以忠没于王事贈武翼郎子椿年
以蔭授廣東市舶監庫轉德慶都監遷高要令調陽

江陞新州同知卒據肇慶志脩

楊汪中字季子番禺人幼孤篤志好學廣帥楊長孺
見其文敬之言於郡博士請爲州學錄嘉定己卯領
鄉薦明年登進士第調靜江民曹桂帥以瓊莞機宜
辟之及過海旣平王君佐之叛又弭陳用成之變風

廣德縣志卷三十一
列傳
裁凜然端平乙未改肇慶府推官家居需次摧鋒戍
卒干紀畫溥城下居民大恐汪中有緹城諭賊功及
崔與之判鄉郡因攝帥幕密贊平叛之謀改佐廣右
經幕市馬橫山措置得宜邕蠻帖服居無何銓部最
之遂知廬陵縣為政多所建白其勸糴以應邊餉區
處有方邑民無怨既而改知歸善縣事業不竟人多
惜之官至奉議郎後有吳文震者字紘發同邑後進
也紹定壬辰進士初試鬱林民曹權宰有政聲次任
南恩糾曹尤加意獄事囚繫者感之授新昌僉幕知
歸善縣行鄉飲崇禮教絃歌藹然大興文治尋倅欽

州攝守全州又攝守春陵皆有惠政

據廣州人物傳修

溫若春番禺人少力學能文事親以孝聞淳熙十三
年領鄉薦累計偕不第凡三十五年而志益堅嘉定
十三年廷對特奏名第一人賜同進士出身兩調潼
川英德學官作成人士悉有模範寶慶間除樞密院
架閣紹定二年春除大學正文譽燁燁動薦紳間夏
召試館職除秘書省正字秋除校書郎蚤與崔與之
遊與之素重其學行思所薦達之紹定三年冬奏對
間一日上問曰卿鄉里有何人才與之奏曰吳純臣
有監司之才溫若春宜清要之任於是除若春秘書

郎若春博洽古今同列推服無何與之帥維揚握手
 道生平曰人之功名全晚節為難若春喟然感之遂
 力請掛冠得旨朝奉郎致仕家居節儉手種香芸以
 遺子孫壽八十餘卒淳祐甲辰廣帥方大琮立四先
 生祠祠古成之李昉英郭閻暨若春也祭之日常於
 春秋釋奠後據南海志鐵庵集清獻言行錄參修○
 清修居士也年近懸車猶縻祿秩一間崔清獻公言
 即浩然而歸言者之能責善聽言者之能從善皆可
 法也吁後世饜餽輩陸沉富貴中得一
 官若沾肝鬲不可脫視此能無愧耶

劉鎮字叔安南海人兄弟三人俱有文名事親宗黨
 稱其孝嘉泰二年登進士第性恬淡不事干矯鄉士

大夫皆賢之以註誤謫居三山三十年為詩詞益工
 真德秀帥閩日言于朝得自便自號隨如學者稱為
 隨如先生仲弟鎔字叔冶尤工於書慶元五年登進
 士第嘗知欽州官至朝奉大夫季弟鐸字叔文紹熙
 四年登進士第初兄弟自為師友及相繼而顯邦人
 榮之贈以詩曰三子皆黃甲一門無白丁有司名其
 所居坊曰叢桂里曰賢巷以旌之鎮尤長於詩明白
 清潤為時所推嘗與崔與之交遊及與之薨搢紳多
 吊以詩鎮有曰終始無玷缺出處最光明人指以為
 實錄其造語典實此類也有文集行于世時又有梁

文奎者東莞人博學強記爲文尚理致開禧元年廷對幾中首選已而寘乙科第一歷左藏十餘年不調處之自如又有梁該者亦東莞人長於記問人呼之曰書筭嘉定七年進士官至倅車皆一時文學之冠也

據廣州人物傳修

朱誥字少揚歸善人也少警悟七歲受論孟再讀輒成誦敏於占對鄉先生陳少微異之謂其父懷曰是子將立身揚名因命以字長嗜學寒暑弗輟遂通六經百家言文尚古體不追時好李泳莊夏先後分教咸表置郡庠爲諸生長誥溫恭愷悌樂道人之善務

掩其過士人多趨之有舍高同年當遷誥以義遜郡守韓磊卿聞之喜曰朱生廉靜有識者也漕臺慕其賢辟攝新興僉幕檄至而誥卒矣子篆登寶慶二年進士授從事郎梅州司法叅軍

據惠州志修

姚宏中字安道海陽人登嘉定元年進士先試禮部時劉燾同知貢舉得其文以爲根諸義理擢第一名動京師及廷試前期齋沐思有以敷露忠悃感悟上心考官以所對切直觸時忌抑不敢置前列擢爲第一甲第三人旅寓都城一年自師友講學外絕無他交歸端居一室惟日溫舊學調靜江教授未赴卒年

二十九宏中天資穎悟學力精專性狷介不苟隨少
從鄉前輩游即志其遠者大者及得濂洛諸大儒書
讀之曰道在是矣翫深索微意度超然若不屑於世

據潮州志修

蔡齊基字夢傳連州人篤學業文年十九預鄉薦嘗
著周易述解九卷大意由象數而理於義以爲三古
四聖尊君卑臣進陽退陰無非爲天下安危治亂計
嘉定八年爲瓊州戶錄瓊筦安撫趙善譚東萊呂祖
謙門人也見其書大喜謄寫進于朝叅政樓鑰報善
譚書曰湟州有此文人瓊筦有此僚屬王孫典遠藩

不便於翟遂與翟分售之且割田之當翟門者與翟
而自取其兩傍之磽瘠者其厚德多此類也兩請嘉
定貢舉就恩出仕初任南恩司法將之任適廣帥方
大琮舉行鄉飲請克大賓次年再行鄉飲議請大賓
以一時齒德無踰應辰者復傳檄自南恩來行禮再
任龍川丞滿歸邑宰揭師愿亦久俟大賓請應辰行
鄉飲于學後改連州推官兼署僉判時綱運積歲額
欠官吏每預索於民民甚苦之應辰在職五年以已
俸補宿逋綱運得如故而民不擾連守陳中孚嘉其
績申聞于朝改遷通直郎致仕家居作清溝亭延師

訓子孫年八十餘卒郡人多以詩哭之遽覺陳大震
有曰海濱推老大粹行比珩璜邑尉黃猶有曰遷屋
避嫌明暗漏買田分券便比隣皆紀其實也據廣州志修
胡斌潮州人少以武入仕為殿前司將官童德興提
禁旅戍邵武江閩寇作知邵武有備未敢犯會招捕
司檄德興稟議獨留斌將弱卒數百留城中紹定三
年閏月己卯盜衆大至他將士皆遁獨斌奮身迎戰
所格殺甚衆賊益生兵官軍所存僅數十人或告以
衆寡不敵盍避之斌曰郡民死者以萬計賴生者數
千人由東門而出我不綴其勢使得脫走則賊躡於

後無噍類矣遂巷戰大呼曰我死救百姓兵盡矢窮
卒遇害其屍僵立移時始仆事聞贈武節大夫錄其
後一人樞密院編修官王堃言邵武民即斌戰地立
廟請就以武節為廟額從之據宋史八閩通志參修

陳應元字景仁瓊山五原人七歲能屬文年十八授
徒鄉校舉瓊學掌閣登紹定己丑黃朴榜進士初尉
徐聞秩滿僉書昌化軍漕使顏幾辟宜倫令尋改番
禺李鼎英徐清叟董槐李曾伯交章薦之辟倅雷攝
儋隨所至有聲學行政教為瓊士先子明震以應元
攝郡撫慰功蔭補將士郎明俊以昌化築城功亦授

官云據瓊臺志修

梁應龍博羅人貧而好學嘗欲市書而困於錢輒惋惜其母怪而訊焉告以故母因解所服簪珥與之登嘉熙二年進士第時榜下有落第者皆哭應龍亦哭或問之答曰本欲荷祿養親今僥倖一第而親已沒是以痛耳性不嗜進取歷仕廣西二十年始改常德僉判以歸惠倅單崔明者嘗學於龍至是盛飭車騎往拜之應龍不憚自是崔明造其廬必屏導從其嚴毅如此據惠州志修

陳大綱龍川人嘉熙間舉賢良明經賜對稱旨授縣

令有治狀鄉人榮之名其鄉曰進賢據惠州志修

錢益者東莞人也刻苦讀書登淳祐元年進士第性剛介不可干以私每言及貪吏則奮然怒罵執親之喪三年君廬足迹不入寢室既禫當免解赴省或謂之曰至試期則服除矣益曰舍喪次而行不能步也乃遲三年赴省試中第次子夢驥生於除服次年竟能世科人以爲孝之報歷廉州鹽官在任五年所得常費不歸之私皆以補綱運之力經畫鹽局事宜不擾而辦自著離局微勞一帙鹽司聞其政蹟于朝再調靜江府僉判適己未幹復之變府閉城門官多遁

益徑往赴任謁靜江府帥李曾伯曰吾儕食君之祿
宜勉力共守可先去以為民望乎李甚義之秩滿授
知贛州興國縣時峒寇頻年剽掠邑境益至即申郡
請兵親帥鄉兵併力剿捕掃其巢穴民賴以安興國
縣廳有碑記紀其功益盡心獄訟甚有德政民呼曰
錢佛子終靜江府通判

據廣州志修

郭聞字開先番禺人治書三預計偕裒然為舉首柳
南慮方春柄文衡得其文驚異以為乾淳而後復見
此作登淳祐甲辰進士第調真陽尉再調鬱林學官
擢知高要縣有政聲秩滿授梅州僉判改秩宰平江

尋擢監察御史知無不言糾正奸邪不避權要其所
彈擊公論莫不快焉初廣州置買銀場本與商舟為
市後從而征之歲久弊滋吏緣為奸征及民戶租米
民甚苦之又提舉鹽司以鹽科配民戶價多而鹽少
深山窮谷罹其害者不少二事皆害民之尤者聞條
奏上聞得旨俱罷民以為快作感恩齋以報之汀贛
壯丁往來潮惠循梅境以販鬻為事紹定間公征權
激閩合江閩兵乃克靖亂朝旨免權四州鹽職此之
由繼又權之悍民遂相挺為盜閩又奏罷之又奏選
廉恕以宣德意斥貪繆以幸天下凡所奏請無非為

國根本慮遠右正言首陳聽言容言之道以廣上心
又言士大夫奔競成習狂躁成性營求薦引直欲一
蹴而造班行至於寬縱盜賊殘害良善忍使盜賊感
恩而民負怨是忍於負國負民而不忍負盜賊又言
今天下之患莫甚於上下不相應易帥閫拔偏裨旌
死節誠方今急務而應令者率文具緩急恐難倚仗
乞選朝臣出使審核虛實庶幾募兵督餉不敢為欺
時禁廷臣莫得預知兵事閫乃言臣居言責天下事
皆當預聞况邊庭之大者於是兵糧實數皆關曰諫
院閫自官臺諫悉心憂國形神日耗循至病革所言

皆軍國大事不及其私卒年六十六閫素清潔家無
餘財屬纊之日幾無以歛上嗟悼之贈恤特厚廣人
德之以閫配享菊坡祠據廣州人物傳修○文天祥
隅有志天下處賦如水知德者寡鳳音冥冥朝光作
之烏墓峩峩霜氣薄之公遷諫披歲月幾何白首丹
心之死靡他吁嗟人生死見真實如公一節天地可
質神昇東返返于五羊曲江吾師菊老未忘不愧二
賢公可千古為酌廉泉一涕如雨○論曰士一且也
其負禱而振纓立天子之廷輔君澤物惟職之宜顧
軒然以射利肥家為得策謂括囊首鼠為圓機自顧
冥富貴之地無所益於君又覆奪人所有鄉井嗷嗷
且有浚我以生之歎矧能波及於遠也哉平生所學
謂何乃如遺跡焉而棄之噫可恥也已郭閫昌言讜
論有聞於時而且悉心憂帝室以至沒齒可不謂能
輔君矣乎崔李二君解賊圍出鄉人于塗炭閫又奏
罷諸橫推匪惟大有造于吾邦而異縣亦得以承其
澤也可不謂能澤物矣乎輔君曰義澤物曰仁旣備

東坡志林卷之六十一
蘇轍

有之可不謂能成其身矣乎以今之所謂士者較之詩人之所謂有親者也愚嘗聞吾邦舊未始祠鄉賢祠之自崔郭始嗟乎揭虔於俎豆者可少知愧矣

蔣科字進之高州電白人少穎好學通尚書周禮父從事郎南夫奇之曰能取科甲必此兒也初名聖傳因更以科焉兄思問已正奏名益自奮勵遂登寶祐丙辰進士為瓊州教授篤意教養較文以器識為先咸淳二年捐貲脩學移建御書閣于講堂北其費甚浩三載而後成提學諭其才以其持廉潔薦于朝秩滿僅擢僉之宜淪令撫輯裔峒教以詩書於聲利澹如也後卒嘗謂同年楊應辰必貴而壽但當堅慎臣

節爾後攝雷州降元為廉訪使果如科言

據瓊州雷州志參修

李用字叔大東莞人少孤事母極孝愛盡禮雖盛暑侍母側未嘗去巾襪德器疑重造次必以規矩鄙慢之氣不形也初業科舉及讀周程諸書即棄之杜門潛心理學非親友婚祭不出如是者將三十年而踐履日益熟士之從學者館無虛日自號竹隱人因稱曰竹隱先生李昂英聞其賢就見之與語終日用未嘗有懈容昂英出語人曰吾今乃見有道君子嘗著論語解究明伊洛宗旨以溯洙泗之源訓詁明白便於講誦學者傳習之昂英進其書于朝詔授校書郎

用曰著書豈干祿計哉不受而歸又遷承務郎以旌其高安貧樂道無所求於世其誨生徒貌肅色和壘壘有亭人樂從之遊以故多所造就卒年八十一所著論語解梓行天下廣東提刑周梅叟後奏于理宗特賜御書竹隱精舍扁咸淳中廣東提刑留叔子命祠于邑學用明經講學為時名儒有子三人各通一經能世其業長春叟最知名次得朋官至法曹季松叟有文聲早卒據廣州人物傳修

春叟字子先蚤穎悟邑宰許巨川見而異之勉其遠遊從師遂謁陸鵬升授春秋寶祐丙辰省試中選以

謨寫謹對黜廷紳交薦入仕乃授惠州司戶有賢能

聲景定間廣東提刑楊允恭狀奏曰臣念嶺海之東素彌多賢自清獻


公崔與之力辭相任高風逸韻聞者興起比年恬退清修之士蓋多有之臣得於所聞之真者有迪功郎

李春叟刻苦窮經清嚴自守已兩試南省俱中前列厄於勢要竟就特奏之選春叟處之怡然無愠間嘗攝職則確守公廉及其退居則安貧授徒未嘗及於祿仕可謂經明行修者也乞賜獎拔以厲浮競之俗世道幸甚

得旨除肇慶府司理嘗辯冤獄當路不從即投告身于庫請歸事竟得白郡守劉叔子歎服尋除

德慶教授秩滿而歸絕意仕進乃著論語傳說補大抵撮晦庵之要語為之又摘其玄微者為詩使學者

詠諷自得號曰詠歸集家居以經學訓後生嶺海名



士多出其門文風益盛朝廷敬其名除軍器大監辭
 不就賜號梅外處士宋末邑人熊飛勤王潰歸駐兵
 于邑時邑之士民多逃竄遠鄉者飛揭榜限三日回
 家否則發兵戮之春叟號哭諫飛飛乃止時群雄四
 起乘時剽掠以春叟故多不忍犯邑人賴以免患至
 元丁丑元兵至廣欲遣兵勦東莞春叟扁舟往謁其
 帥以死爭一邑事遂已邑人德之繪像祀于竹隱祠
 號二先生祠元初分司李僉憲延春叟邑學禮以賓
 師公暇即造問政隱居養高年八十卒諸子多文藝
 可觀曰同文者嘗著易說為邑令棣初春叟之衛鄉

里也邑人同時有功者有趙必瓌翟龜張元吉登辰
 之屬據廣州人物傳云軒集參修○陳璉梅外李公
 且大者墓表自昔有德君子雖不獲大施于當時而盛
 日所以叔諸人者即異日所以起其家者也矧承家
 學之懿仁聲義聞足以厲俗而化人其宗支之蕃粵
 亦理之必然者予於梅外李公而有徵焉公之先南
 姓人其居東莞則自朝議公始至竹隱先生尤有重
 名先生諱用字叔大性至孝喜讀書家伊洛性理之
 學宋忠簡公李昂英嘗以其著論語解進于朝授校
 書郎不就尋遷承務郎以旌其高憲使周梅叟諸公
 交口薦舉復奏于朝御書竹隱精舍賜之鄉人以爲
 榮咸淳中提刑劉叔子命祠于邑庠先生娶王氏勅
 封三安人生公昆仲三人而公居長次得鵬號梅邊
 次其號梅際俱以孝行知名公諱春叟字子先資敏
 悟學如夙習邑宰許巨川見而奇之勉其進業矧承
 家學淵源而覃思經術遂通春秋凡三中舉初為惠
 州司戶有政譽提刑楊允恭奏為肇慶司理嘗辨冤
 獄為郡守劉叔子推服薦除德慶教授時銀場鹽局

廣通志卷三十一

五復聖

三

政弊因上書郭察院深切時病郭為條奏罷之民歌
 于道既謝事以經學訓生徒誘掖獎勸甚至故及門
 者後皆知名鄉邑化之儒風翕然為振由是聲聞朝
 廷授朝奉郎軍器監大監懇辭不就特賜梅外處士號
 以旌之持宋主駐蹕南服色人熊飛起兵勤王貴歸
 駐近郊居民竄匿山谷飛怒其不附已欲縱兵捕戮
 邑人洵洵公汜諫語甚激切飛素重公遂止時群盜
 乘間剽掠以公故多不忍犯邑歲丁丑元張呂二率
 克廣州哨騎將及邑衆皆危懼公毅然與張元吉走
 謁麾下掉三寸舌活一邑人命因命公宰邑方辭不
 就以元吉宰之是後益無意仕進橫經講學以道自
 任部使者至邑必躬謁問政邑大夫嘗造席請益過
 者以識為幸其見重於時類此娶何氏封四八太安
 人生三子長時可實祐六年以春秋中舉次昭可獻
 可與安人合芝于英材麻地嶺坤向誌其墓者則資
 十郭應木也邑人德公不忘繪像于竹隱祠祀之焉
 中其事者則門人陳庚也公性孝友然儻持方嚴風
 岸峻立知其端八正士恒以濟時行道盡忠所事焉
 心成敗利鈍初不計恤而遇事無生果於次斷矯矯

然有三代遺直其為文以理為主雄渾有氣詩典雅
 溫厚耻作綺麗語有詠歸集傳于世素負經濟才
 叔季之世弗克以究厥施仕止即官人皆惜之然而
 名重縉紳仁洽鄉邑慶流後裔真可謂有德君子矣
 公會孫勝輔間馳書請口惟我李氏世以文學行義
 重于鄉邑梅外公之名尤彰今宰木拱矣而墓隧之
 石未刻幸為文以表于墓庶幾發潛德於九京俾後
 世子孫知所自也於戲仁者必有後李氏自朝議公
 至于今凡十有餘世詩書之緒繼繼承承其大而盛
 者已兆於今日則公淑人之德天之報施蓋未艾也
 於是論著公之出處大節揭于墓道庶
 幾以慰其後人之思而信於邑人云

趙必瑒者咸淳元年進士父崇誦同科時稱喬梓聯
 輝廣士未始有也必瑒初任高要簿尉郡檄署四會
 縣事有異政民為之立生祠再任高康永惠州守文
 璧辟為郡從事丞相天祥璧之兄也集兵勤王必瑒

往謁相與論時事必璩忼慨立下天祥重之後察璧
 無堅守意即歸適能飛駐兵于邑欲盡括稅戶財穀
 以克軍需人情恟恟必璩恐為變請於飛願以已資
 錢三千緡米五百石以贍供餉使減稅戶需擾飛從
 之即委必璩董其事必璩隨其家各寬征之人感其
 義據廣州志修○陳璩宋朝散郎秋曉趙公墓表古
 紀于太史雖然終誌足垂弗朽苟生也有聞歿也無
 紀則聲光漸盡孝子慈孫烏得不致謹於墓道之文
 乎吾邑秋曉趙公學行勳閎甚著而史氏之紀莫門
 之文缺焉今諸孫穎等以洪熙元年十月修其塋域
 既成乃不遠萬里致前鄉貢進士陳紀景元所為狀
 徵文表于墓予生也後夙慕公為人義不可辭按狀
 公諱必璩字玉淵號秋曉姓趙氏系出宋濮安懿王
 高祖不弔以少保觀察使福建曾祖善企武節大夫

南宗正司檢察主管台州崇道觀祖汝拾廣東監幹
 父崇誦修職郎南安軍司戶參軍司戶侍監幹于廣
 遂家東莞之柵口咸淳乙丑公侍司戶同試南宮父
 子俱擢高第人以爲榮公釋褐授從事郎肇慶府高
 要縣簿尉卓有能聲太守檄攝四會令邑有二人忿
 爭各自殘互訴于官前令毛舉細微根株相連搖動
 一鄉公至曰彼皆輕生豈可波及良善以長狼俗乎
 斥二家各收瘞鄉人德之爲建祠祀其壽後陞秩文
 林郎南安軍南康縣丞尋棄官歸養色大天政有未
 達嘗詣門虛已咨訪公爲陳利害洞中肯綮多所裨
 益人受其惠歲丙子邑人熊飛以勤王潰歸附奉主
 率命自循惠下招輯東廣而梁雄飛亦以招安兵自
 大庾下先入城飛與梁構兵弗解公時閑居因語飛
 曰聞王師駐海上欲遣趙潛方與制置安撫東廣莫
 若用宋號通二使尊宋主然後舉兵入城事成則可
 不成亦足垂不朽飛深然之即日署宋旗號舉兵向
 城梁遠遁遂迎趙方二使入廣復欲盡括鄉邑資財
 以克軍費人情恟恟必璩恐爲變請於飛願以已資
 五百石贍軍乞寬邑人之力飛從之就以公主其事
 公爲第物力高下而均其輸鄉邑賴以不擾時丞相

文天祥開督府于惠州辟為朝散郎僉書惠州軍事
判官兼知錄事丞相弟文璧為行朝總領亦屯惠州
七敬愛公每事必諮焉更代無復仕進意雖以故官
例授將仕郎象州儒學教授竟不赴退隱邑之温塘
至元甲午年冬十二月初七以壽終大德丁酉冬十
二月丙申附葬黃村之先塋娶肇慶陸氏增城王氏
皆先公卒四子良麟良驥良駿良豹二女張寶大陳
師善皆其婿也有覆瓿集四卷傳于世公容止甚都
才器俊邁家雖贏於資好交名勝士及喜周人之急
所歷郡邑有循良風而官止一監州中遭世變棄官
歸養不復與功名會此在人不能無少難者而處之
裕如非有道者乎初飛與梁講兵所在巨室怖死不
暇乃能捐家資以紓邑人之難復以大義語中飛飛
竟死王事而祥興駐于淺灣得延一二年者公有力
焉標古之排難解紛而全高節者奚異以故名重當
時及延後裔豈偶然哉予素樂道人善為天下後世
勸因頌等之請遂撫其實表諸墓道非准
俾公後人知所自將以風乎世之人士也

翟龕東筦人少以文章知名景定二年以書經領鄉

薦咸淳二年再舉都魁宋季為邑主簿時值亂離與
邑尉張元吉協力安輯邑賴以完世靖後建樓貯書
以延文學名曰聚秀書院學者稱遜庵先生其先世
有翟卷石者任瀧水簿亦以行誼稱于時云據東筦志修
張元吉者系出張九臯之後曾祖淑有篤行家邇城
市然足跡未嘗造公府夜出聞窮簷歎息聲即委金
戶下而去不使知之父光濟漕貢進士元吉當宋末
為邑尉元既降德祐帝使招討使黃世雄梁雄飛入
廣邑丞呂立遣元吉以全邑戶計入廣歸附世雄委
元吉攝尉既而宋制置使趙潛舉義元吉即從之潛

使之同熊飛捍禦南雄飛戰死于韶元吉歸仍攝尉
後元張弘範率兵自惠將至邑人驚遁元吉使其弟
登辰罄家貲賂之元兵由是不犯邑境登辰善屬文
有器識舉咸淳癸酉鄉貢試南省歸慨然語人曰權
臣酣豢湖山昏蔽主聽襄樊受兵六年乞援不報方
且歌舞太平粉飾文治時爭可知已說邑宰為保障
計及張洪範兵至哨騎往來邑民奔竄登辰毅然請
行齎白金千兩晝伏夜行抵惠州行營請紓邑難弘
範喜遂戒兵無得犯東莞邑人德之後登辰攝縣丞
時帥府欲增東莞稅額登辰力爭得免入元邑稅得

仍舊規登辰之力也登辰子惟寅亦力學有才譽元
初因南漢媚川都之舊役民採珠不勝其害惟寅上
採珠不便狀竟得罷採邑民至今德之元吉登辰死
時邑民大作緇黃以報德李春叟為詩慟哭之云據

州志巽川
文集參修

鄭玠字太玉滇陽人少博學通經史工於詩文入太
學嘉熙初以上舍對策極言天下事正言李昴英亟

稱之

昴英題鄭上舍玠太學策藁士試於有司曰時
文志於得而已鄭君對策天子學乃極言天下

事皆有關於君德有裨於世道方
縉論崛起與國論
爭鋒禍且不避寧得失計耶胸中
所有定非尋常諸
生拔尺寸比是真不負皇朝
養之意衡文者按其
尤則公論尤未泯可為斯文賀君其堅此志勿渝厚

其養勿餒大建立於世垂聲各無窮母使人曰淳祐
 此徒議論之士吾黨所望也嘉熙庚子四月
 甲辰釋褐知博羅縣事賦詩志喜遂結廬幽居洞後
 每政暇輒至讀書其中自稱幽居野人云時有異人
 逍遙子者常住茶庵相與唱和為神明之交玠治邑
 清靜不苟政成人和有曹叅之風部使者考最薦之
 擢大府寺丞以去逍遙子亦不知所適咸淳中玠子
 康佐知惠州乃闢庵為鄭公書堂嘲詠泉石墨跡猶
 存據羅浮志文溪集叅修○按康佐於書堂塑玠與
 逍遙子像及謁祭賦詩云清癯野鶴姿問道羽衣
 客白雲濯飛泉青霞窺烈石澗後蕭清曉藥鳥鳴月
 夕幽人不可見百拜訪遺迹用東坡和常蘇州韻也
 紀應炎雷州遂溪人號後坡先生少讀書湖光巖寶

帝王之治天下自積一念之仁始帝王之仁天下自
 積一念之敬始又曰臣竊觀聖心或者未能積其敬
 也夫主一之謂敬無適之謂一思慮未萌知覺不昧
 靜而有以養此心事物既接品節不差則動而有以
 養此敬今也恐懼於旱勞常寒之警固知敬矣悅懌
 於瑞芝之觀何所積之未純邪齋莊於圭璧薦享之
 時固知敬矣轉移於霞光迎導之際何所積之有間
 耶時度宗留意機祥所言觀瑞芝迎霞光實事也皆
 人所難言臚唱日天陰晦大雨如注識者以為非文
 明之兆舊制狀元宣拜後中官催索謝恩詩宮女倚

機以俟詩成即織諸錦以進鎮孫素不工詩是日運
毫如飛人謂名成才湧丞相賈似道欲市恩乃曰子
乃似道啓上所擢也省試尚當作元惜相遇晚爾鎮
孫不謝例使判局取殮錢又寡取之人服其不阿除
秘書監正字遷校書郎尋通判婺州迎養其父母德
祐元年元兵至鎮孫遂棄城奉二親歸廣臺章劾其
聞兵逃遁詔罷鎮孫職二年宰執吳堅賈餘慶家鉉
翁等以皇太后命舉國以降衆立端宗航海幸閩廣
間廣州海上潰軍奉鎮孫為帥鎮孫與都統凌震結
集行伍分東西二路誓圖恢復景炎元年十二月帝

惟中善品藻見而嘆異曰是必以學行顯亟以女弟
妻之咸淳四年登進士高等筮仕文林郎韶州軍事
判官考最進承直郎差提領豐儲倉所檢察官恭帝
即位勅史筵之屬本無定員然其選最重比選頗雜
而史局遂輕乃擇文學清敏者入為史屬德祐二年
春褒然遂改史館檢閱丞承議郎行太常丞兼權
翰林權直時蒙古入寇國瀕於亡在外則牧守叛降
在朝則百官奔散帝禁之不能止褒然守死不去降
勅褒然特授朝奉郎以旌其忠無何以憂憤卒于行
在聞者悼之惟中後仕元為京縣尹亦有政譽據廣
州人

物傳

張鎮孫字鼎卿南海人少苦讀書以博學強記聞咸淳辛未舉進士廷對為天下第一先是童謠曰河南人見面廣州狀元見河南謂州前大江所面鄉落也有司因構見面亭以族之文溪李鼎英未達時讀書海珠以大魁自期嘗與同志數人結龍頭會有憂鬱長弓射江江為竭者鼎英占之曰應是識者其張氏子乎鎮孫時方弱齡謂同舍生日安知非僕聞者媿笑之至是果為狀元其年大江忽竭往來相通企望能辨眉目人始悟所謂見面之說其所對制策有曰

祐中由第二甲進士初試澄邁縣主簿有饋見者置白金十兩米中即遣還之縣有海港可田應炎募民戶塞其港口為田千畝付縣學為諸生費後宰南海與經畧冷覺齋不合自書桃符云二年南海清心坐一任東君冷眼看有富人犯法從雷迎其婿以請竟置于法不貸

據雷州志修

陳庚字南金東莞人父益新博通群書尤邃性理之學補貢不就遂隱居東湖之上邑人尊之曰東湖先生庚其長子以書經擢咸淳甲子鄉貢進士南省罷歸無復求仕志日肆力古文詩律中明暢沉蔚有歐

曾風經畧劉寔奇庚才辟置之幕府無何以世亂歸
廣隱居東湖家塾研心道德性命之學學者多師之
邑人亦尊之曰月橋先生邑宰嘗延以為儒師造門
問政嘗修寶安志人咸稱其有史才年七十九卒郭
應木表其墓曰生為一邑之儒宗沒為一鄉之善士
可謂有德君子矣第紀字景元以周禮領咸淳九年
鄉薦宋季與庾皆退隱于家以賦詠自娛尤工小詞
有周伯成康伯可風韻有越吟斐稿傳于時號淡軒

先生

據廣州志修

劉袞然番禺之水東人

今從化縣

幼英穎性端謹同邑梁

舟次于惠州之甲子門詔以鎮孫為龍圖閣待制廣
東制置使兼經畧安撫使變以軍事將校盧震擁眾
暴橫鎮孫數其罪戮之以示眾由是將士用命兵威
稍振元首帥呂師夔張榮實已入廣州聞鎮孫至以
軍餉不繼退走使其將梁雄飛守之二年四月帝舟
次于廣之官富場鎮孫復廣州逐元梁雄飛雄飛等
走韶州有詔褒賞親知多以啓賀鎮孫有憂色皆不
裁答十一月元首右丞塔出會師夔復入合攻廣州
鎮孫欲為守禦計而力不支城陷明年二月師夔退
師以鎮孫歸于燕鎮孫遂道死于大庾嶺人皆謂其

死之不早決也。文天祥作詩悼之時，陳仲微者紀海上事，書鎮孫死節。又董師謙亦云：鎮孫死難，惜無有表白之者。天順中，翰林學士黃諫乃曰：賈餘慶家鉉翁輩奉璽納降，卒於燕京。史既特書之，至有書不食死者。文山至燕越三載，始成其志，使鎮孫不死，又未知其所處何如也。史特書塔出圍廣州，制置使張鎮孫以城降而不書道死梅嶺，事夫既降矣，必獲偷生。既北去矣，必冀見用而死梅嶺，必其憂憤之不已，或絕食成疾不可知云。據廣州人物傳修。雙提歲抄宋復和之以進度宗咸淳辛未吾鄉狀元張鎮孫謝恩詩云：當宁宵衣務得賢，草亭何足副詳延。天人要語

垂清問仁敬，曠言上奏，篇鬼乏謀猷，裨乙覽忽驚。姓字首曠傳，乾坤大德知，難報誓乘孤，忠鐵石堅，御賜狀元以下詩云：臨軒再策匪虛文，要語詰謀敢弗遵。昭格天心惟至敬，封培邦本在深仁。詳延喜見洋洋對，來譽知為蹇蹇，始進便當思遠到，會須華國有儒珍。鎮孫和上云：聖主游心六藝文，先皇成憲日常遵。天人親屈九重問，嶺海同歸一視仁。已忝臚傳魁衆，俊復叨燕衍，逮微臣終身祗佩丁寧訓，遠到功名願自珍。當時所以貴士考至矣。今刻石廣郡學中。

王道夫番禺人，少從陳大震游，苦志力學，登陳文龍榜進士。咸淳中，仕連山尉，有保民馭寇功，度宗寵以御札，兼有金注碗盤之賜。白是以才畧知名。張鎮孫敗後，凌震得脫，收集散亡得數千人，倚文天祥諸軍為聲援。特大震督道夫皆家居，端宗召大震為尚書。

書言道夫卷尾

傳記

三

吏部侍郎道夫權兵部侍郎兼轉運判官大震固辭
不就道夫拜命與凌震各將兵相為掎角景炎二年
三月文天祥復惠州道夫與震謀曰文公既克復疆
土吾等乘此聲勢可大舉成功事幾不可失也震從
之時呂師夔退兵與道夫帥師擣其虛遂復廣州城
詔褒諭之有敬於事上忠於謀國緬惟純誠深用咨
勲之獎以震為廣東制置使道夫真拜兵部侍郎廣
東轉運使是年四月端宗崩衛王即位改元祥興加
道夫學士兼兵部尚書十月元將李恒襲廣州力戰
不利閏十一月庚戌道夫遁壬戌震遁癸亥元人復

陷廣州獲船三百艘禽將吏宋邁以下二百人以其
於是二人會兵圖再舉十二月壬午道夫引兵先往
取廣州與李恒兵戰大敗為元人所執凌震繼至亦
敗退戰于城東菱塘又敗明年二月李恒與張弘範
合攻崖山震解甲降宋亡之後道夫不知所終

據廣州志

崖山志
參修

阮與子香山人天性純篤讀書能通大義早喪母事
父元輔盡孝德祐丙子父病劇與子旦夕稽顙北辰
請以身代迺割股肉和藥以進父瘳鄉里異之以其
事達于有司經畧使徐直諒賚以二帛號所居為孝

行坊將以上聞會師旅不果若五年父沒哀毀踰禮

據香山志修○郡志云額天懇禱開賜割肝以療病
與此微不同嗚呼父母全而生之子全而歸之禮也
故刺股割肝法制所禁此韓愈氏所以有耶人對與
雖然世降俗薄固有所悖逆其父母者矣以與子之事
觀之○黃佐旌孝辭嗟赤坎兮崇姑舉橋枝兮采芳村
也○去兮何時魚鱗兮環者芝楣兮蘭模草生兮
君之親莫親兮神靈降兮燎寤班兮高尋膏藟藟兮
顯矣天兮憫下神靈降兮燎寤班兮高尋膏藟藟兮
通今齊速幡妖壽兮在予羗遐舉兮高尋膏藟藟兮
翠森森恍杳入兮有人鳥亞亞兮遺之音誰可與兮
晤語魂彷彿兮淚泫泫兮長肝晞兮淹息浮雲鬱兮晝
陰世固兮回極心非側兮茲禽驟兮躡高駝君不可
兮下臨彼鮑能兮毒蔓衣夫錦兮攫金君回翔兮徠
下昔梟鏡
兮奚心

丘必明南雄保昌人咸淳辛未進士累官韶州僉判

德祐丙子元兵逼梅關時東莞勇士熊飛領兵與元

師戰敗還韶元師攻城城陷必明被執不屈殺之白

血流地韶人哀其忠節立祠祀之據南雄志修

蔡蒙吉程鄉人生而穎悟八歲能背誦五經從鄉進

士侯安國學春秋了其大義年十二應童子科賜進

士第出身授迪功郎再試銓衡復中第一加三資授

從政郎韶州司戶兼司法未上而值世變郡守湯執

中檄權梅州僉書事義兵總督德祐二年冬元招討

使易正陷梅州蒙古被執正大舉兵趨潮州羈蒙古

於興寧使其下陳一元權知興寧守之蒙古罵曰吾

廣東通志卷三十一 列傳四十一

知盡忠報國耳寧肯從胡奴苟生耶為一元所殺暴
其尸三日顏色不變一元異而瘞之時年三十有二
明年三月文天祥復梅州嘉其忠為文祭之收骸骨
歸葬發塚面貌如生乃具棺殮還葬于鄉據潮州志修
馬發海陽人德祐二年驛報至潮元兵已下臨安三
宮北去元兵將壓境守令皆棄印綬走是年五月益
王即位于閩改元景炎十二月航海至厓山遣安撫
使方興來潮慰諭發時為摧鋒寨正將承命攝州事
稱安撫使二年元兵潮陽无驅一人來諭降發嬰
城固守元兵至與戰敗之越明年海陽盜陳懿尊元

將竣都蒙古反兵圍城發修兵戒備守南門巡檢黃
虎子與陳懿通潛開納元兵鼓譟突入城遂陷發收
殘卒百餘人入保子城勢窮力殫度不可為令妻子

縊死發白鳩特三月一日也

據潮州志修

石文光增城人少以知勇稱宋景炎丙子元兵下廣
宋二王航海丁丑十二月舟次謝女峽命丞相陳宜
中往占城借兵時文光從行伺宜中不還意遂率
所部兵船數十艘回廣時群盜並起互相剽掠文光
於是修築營寨集兵備禦民乃獲安既歿邑人懷其
捍禦之功立廟祠焉因號石神廟據廣州舊志修

趙若舉香山人本宋宗室有拳勇端宗景炎元年王師航海若舉赴難授武翼大夫帶行在閣門宣贊舍人召募潮居里民數百以勤王擢廣南東路兵馬鈐轄宋亡潮居亟附以冀免屠元首張弘範果遣兵欲屠之若舉力以一鄉民命為請於是潮居里三百餘

家賴以安堵

據香山志修

馬南寶香山人家饒于財而能讀書好義充工於詩宋景炎二年十月端宗自潮州之淺灣航海避虜過邑境南寶獻粟千石以餉軍端宗降勅獎之召拜權工部侍郎時帝舟為元師所迫十一月丞相陳宜中

少傅兼樞密副使張世傑殿前指揮使蘇劉義奉帝幸沙衝暫宮于南寶家南寶竭力保衛帝躬勞瘁備至元人無知者居數日元兵陷廣州諸將召募潮居里民數百以行南寶謂諸將曰功成之日當以奉迎孝恭愍聖皇帝為先因飲諸將酒曰痛飲黃龍府在此行也遂歌岳武穆直擣長驅之句以相風勵慷慨激烈聞者莫不壯之帝舟將復駐淺灣時猶未至元將哈刺歹及宣府洪淮飛招討王天祿等來襲世傑等與戰于太山島

印多為所奪將士被執者甚衆

山中流風墜如衆

山中僅以身免十二月

張世傑奉帝舟退保秀

次于井澳丙子颶風大

作舟敗幾溺帝遂得

旬餘諸兵士稍稍來集

死者十四五元將劉

澳世傑力戰却之陳

宜中欲奉帝走占城

意遂逝去南寶聞之

勸哭曰丞相必不返國事

似果然景炎三年春

都統凌震復廣州南寶賦詩志喜時帝舟次于化之

硃洲疾大作四月帝崩于硃洲衛王昺即位走崖山

張世傑等從之而曾淵子克山陵使奉帝還殯南寶

家偽為梓宮出葬其實未祔陵在厓山也今邑之

山有陵迹蓋遺黎為之諱其葬處云南寶方赴厓

阻病旦夕譖語未嘗忘也宋亡悲憤不食元人

籍仕宋者南寶逃匿不以姓為降嘗作詩有目擊厓

山地改寸心難與夜潮消又曰衆星耿耿滄溟底

眼不同歸少微聞者哀之相傳端宗臨幸時舟荔

方熟帝摘一枝其後經摘處風味獨殊人以為異已

而元兵欲屠潮居里人為南寶危之而南寶恬不為

動後聞陳宜中奉帝在占城元主忽必烈下令

捕之於是招討使黎梁起莘與南寶起兵運糧往

迎車駕元萬戶王守起莘歸降起莘奔還馮村

德討其叛與戰六
被執不屈死之而起莘仕

元至都元帥據辭少文集香山志參修○黃佐表忠

宮今原壑襲襦程今芳蓀塵塵座今珮馬與絳節今

不祥紛總總今犬羊懷圭京今迢迢塞將儻今周章

腥風騷屑今血人將安適今九坑今圖回今日較奮

余戈今魯陽頤竭節今效死獻王黎今瓊漿揚紛磧

今馬塗荼胡為今蓋而逝玄輿返今鳴條突梓材今

會計悵騁望今履綦風蕭蕭今竹荔長唼今紮欬杳

龍髯今高厲遁西山今遺襟蹈東海今捐袂願千秋

今翺翔衛木石今精衛

黃俊南海人沉重有謀宋末為摧鋒軍將性剛毅不

能隨時俯仰見上官指畫兵事語纏連不少休每所

主持堅不肯回或沮之而卒如所言由是知名每自

訖曰鐵骨稜稜吾豈凡子邪會當為國家作熊虎

耳德祐二年元兵陷臨安廣東經畧使徐直諒遣

赴隆興納款元商阿里海牙以師變亦來徇廣州未

幾益王以直諒以地權提刑郡人李道領摧鋒

軍及軍往拒之張黃雄推平侯與陳

寔登將六字賢為將萬後察人賢無

忠傾心可也

作兒山海神世武種也不不不遙均虜

騎擁一任任觀虜衆部伍未整

分在南八以得志性道不從

艤舟岸木既而後

大平卒迎

還

賢俊拒不

能

勇討世

至廣州性道出

趙淇至次日安撫方與至索陳寔謝賢告俊斬之并

戮性道廣人萬口稱

彭森所撰

設梁而前後奮身

之援遂敗績奔

等家陷廣州授性道寔

死之東莞人

其

不可守

走飛兵

謝賢告俊斬之并

厚葬之

志廣州

伍隆起新會人三世事高祖珉高宗朝為嶺南第

十三將守南恩州卒于官子朝凱擇新會之文章里

居焉生子之才之才仕至陽春尉之才生天麟官龍

井一勿提幹天麟生隆起值宋季世帝昺舟次崖山隆

起祖父三世受祿于宋非不能報於是率鄉民

為義兵捍衛其木七

先是元元帥張弘範已

入廣州民咸附

文子所殺以其

木刻首續之

之祭隆起之墓故

與珞拒元兵於白沙口被執不屈而死事詳名宦趙

與珞傳下

傑史作紀○據宋史瓊臺志參修

唐文嚴字克寬瓊山東廂人任迪功郎宋末隱德不

仕建一亭名曰松軒日逸其中留意經史景炎間翰

林學士陳仲微省郎謝少敏抵瓊臨訪合歡終日改

其軒名曰廣廡有詩相倡和云

據瓊臺志修

黎獻字子文東莞人性警敏異常而富學問甫弱冠

授徒一依紫陽白鹿規以為教遠方之士聞風而來

者戶外之屨恒滿講授暇取經史子集與埤雅小說

釋老之言摘其的對奇語編為事類蒙求對偶切要

叙事精詳見者稱賞別號拙翁人稱拙翁先生據東志修

陳汝達海康人少習經史未及應舉而宋事已去遂

隱居焉先是雷州失守越明年而宋始訖錄汝達時

老病恐身後襲元國號預刻石為墓碑曰有宋陳四

五公墓以囑其子曰他日勿改吾刻也墓今在擊雷

山陽幾經兵亂而不剥落世以為汝達知大義疑有

鬼神司之

據雷州志修

黎宿東莞人先世本贛州宋季知雷州獻臣者徙惠

州博羅之白沙有政譽宿其胤孫也始自白沙徙居

東莞之黃涌敦行禮義鄉人化之割股以愈親疾宋
朝旌其門曰孝義署其里曰德本若祠堂義塾之建
實自宿始後來子孫多以儒名家

據東莞志修

古諛韶州曲江人少鄉舉上春官不第乃從武弁隸
摧鋒軍母病願瘡不能言食醫藥莫效諛性至孝夜
靜精虔奏告北斗以冀母平安扣額未畢忽聞母大
呼吉夢一道士執水盂以柳枝灑我因魘而寤比明
不覺願消疾遂愈後為本州安撫遷肇慶路總管軍
旅所至每有奇捷人以其孝心感格神明呼為古神

孝云

據韶州志江
湖紀聞參修

於倡丐間矣有志之士其肯仕之哉仕於其時皆常
已而不已者也尸子曰夫已多乎道吾於區適子有

感焉

據廣州人
物傳修

趙東山東筦人系出濮邱博學能詩然性高古不諧
流俗遇談勝國事則掩耳不聞常登鳳凰臺以舒懷
抱其志行汗漫超越浩不可禦視世間事無足當其
意數來亭頭遊法性寺海月巖每憑高瞻仰崖山之
雲則悲歌慷慨涕泗潛焉交下雖屈平之忠愛不是
過也逢佳山水輒有詩成刻于石者凡數歲久磨滅
不可讀惟題海月巖近體二首石刻猶存其詩極爲

人傳誦野仙則其自號云揚東莞志修

陳韶孫番禺人父瀏以罪流肇州韶孫年十歲不忍父遠朝夕號泣願徙父不能奪遂與俱往跋涉萬里不憚勞苦道過遼陽平章塔出見而閔焉語之曰天子寬仁罰弗及嗣邊地苦寒非汝所堪吾返汝故鄉汝願之乎韶孫曰既不能以身代父當死生以之歸非所願也塔出驚異以錢賞之大德六年父死韶孫哀慟見者皆為泣下肇州萬戶府以聞命遣還鄉里仍旌異之據元史五倫書廣州志參修

陳肅字文端海陽人宋寶謨閣待制恪之子宋季避

亂鮑江結廬蓮花山聚士講明正學文天祥過湖召見與語竒之欲檄為叅謀不就至元初以賢良應聘賜第舉署總管府事修文廟及濟川橋士民懷其惠二十一年樞密使月的迷失蒞潮廉知其賢保陞朝列大夫任宣慰司知總撫湖廣常德路有竒勲遷樞密同知卒于官所著有蓮峯集孫元龍字仲章亦以經明行修授福建廉訪使政聲洋溢以疾歸廬于龜山闡明濂洛之道學者多從之戴希文嘗受業焉據州志

吳國寶雷州人性孝友父喪廬墓大德八年境內蝗

害稼惟國寶田無損人皆以為義感所致云據元史修

羅郭佐石城人其先世居汴祖廷玉以文學仕宋授

武翼郎石城人因家焉子嗣宗授承信郎石城知縣

宋季郭佐策從征南將軍史八萬討平海北以功

授朝列大夫化州路總管尋授廣州路總管督運廣

東糧餉給海北軍士沿海遇賊而沒長子震敦武校

尉化州路管軍把總同事歿于難次子奇襲化州路

判官尋授奉政大夫雷州路同知奉檄討徃寇戰而

歿奇子女珪死父難孫仕顯襲武德將軍廉州路同

知至正間奉命督戰艦會高化瓊廉等郡官兵剿海

寇戰歿于石礮港年二十九昆季子孫咸受爵秩相

繼死節據高州志修

王紹瓊山北冲人元初寇亂紹父為義兵歿于陣紹

方弱冠平持刀斧奮勇赴難竟以身殉之據瓊臺志修

听冰香山人至元初領鄉薦為邑學教諭遷惠州路


學教授學博行修一時視為儀表攻古文辭以韓歐

為宗子士桂亦以文行名其後有趙梅南楊士元者

皆以詩翰鳴于時由冰倡之據香山志修

張元俊字允超番禺水西人今從化少雋異不群兄弟

五人元俊最少事諸兄甚恭謹家庭之內雖誰如也



平居重厚自持與人必信鄉閭有曲直者趨訴之片
言剖析無不悅服或勸之求仕嘆曰吾豈不知仕進
之榮哉飛鳥擇木吾將有所擇矣先世居番禺之石
井元俊以祖墓皆在水東乃徙香家居焉時值兵起
嶺海騷動群盜布滿山谷居民請其兄元方為保障
元俊毅然獨往創立營堡築上城圍之引泉水為濠
塹有微則散財募兵曲為豫防山後諸盜皆不敢經
其壘遠近相為聲援以遏盜出入一方之民恃以無
恐廣東都元帥王木肅聞其賢錄其功上之徵至省
臺以便宜授官然非其好也尋歸鄉閭築園圃以自

樂晚尤好施與人有急即調之遇歲凶則散穀以濟
饑者及豐年就貸之元俊詎而不受人無不感其德
卒葬于水西之銀帶山子漢忠性亦端慤重厚寡言

有父風云

據從化志修

麥文貴保昌人鐵杖後也篤志力行博極書史用薦
起為湖廣行省檢校後拜中奉大夫集賢學士與修
遼金宋三史

據南雄志修

單仲昇增城人父喪與兄同居養母至孝元至大戊
申母鄭氏卒葬于藍山之原蔬食水飲不事家業廬
于墓所二年服滿始還鄉里稱其孝

據廣州人物傳修

黃景賢字希賢海康人由邑州路教授陞慶遠天河

縣尹仕至靖江路推官致仕有文學自號愚谷至治

癸亥文宗潛邸于瓊因獻詩為所嘉賞蒙手書愚谷

二字賜之天曆中復有六花宮袍之賜詩曰今日所

天而不善詩嘗賦老將詩以自况人傳誦之據雷州

拜恩老將詩瀟瀟夜雨江金鑄夢過交河古戰場醉誤臂

鷹呼歸來歲月長日行西海初

梁全晉惠人自幼好學通禮記長有文武才延祐間

膺薦奉任本路同知悉收撫民一以厚風俗興教化

為本郡以前屢為西寇擾全乃諭民以防禦之策自

是歲免劫奪調向武州同知未幾遷太平路同知封

敦武校尉志修

吳正卿字素臣遂溪人化州路學錄赴丁巳鄉試湖

廣復期授平湖書院山長元統中嘗為合浦縣尹改

尹臨桂封其父朝進為海康尹海北廣西兩憲文章

舉入風憲其薰刻有曰人材國家之元氣風紀之耳

目故必元氣克而耳目明人材待而風紀振尹時人

之曰未饒官貴文章貴不但親榮問里榮青史舊書

軒隱居不仕以正卿封官時年八十故其年八十而

卒歷仕至知南寧軍年七十五致仕時已垂聽憲副

盧嗣宗知其名安事迎以賓禮延至郡屏從容以灰
置盤中手書與之語竟日所得俸祿奉親之餘居鄉
黨意家無餘畜云據雷州志修

盧宗人增城人至順間以儒士舉授南雄路始興縣
尹清謹自持士民頌德改廣州路推官卒又同邑廖
德彰任本縣教諭元末立保障以衛鄉閭鄭聰老有
賢行常以興起學校為已任先師廟壞立木主祀于
其家有司感愧修役民至今稱之據增城志修
郭反德慶人授大中大夫本路總管始領郡事致災
卹民
又於任興革協宜惠澤及人郡之父

老悉能頌之可謂良二千石矣今祀本州名宦祠又
有同邑戴元字占甫至正間以鄉貢授封州判官立
心嚴謹撫字有方亦良吏云據肇慶志修

陳九思雷州海康人舉人材仕為本路同知有文武
才治民禦盜咸有條理官至宣武將軍梧州路總管


據雷州志修

梁國傑陽春人有才畧兩任鄰封不私故舊累官昭
勇大將軍沿海招討使號令嚴明士卒用命海寇遁
跡功聞于朝官其子為安陸州吏目累官至朝列大
夫據肇慶志修

陳紀字楚材號蘭畹海康人淹貫經史領鄉薦不樂仕進嘉道丘園深究性理之學士無遠近咸受業於門所居之里曰義江元末群盜並起凡過其鄉必相戒曰勿犯陳教授家其為人欽慕如此據雷州志修戴希文名昌希文其字也以字行海陽人少治舉子業可擬進取後棄業甘遜自號野民博通經史敦行誼為鄉里所推元至正間總管王翰治潮當寇盜搶攘之餘學校廢弛迺具啓禮聘希文主教事且稱其才克學瞻德盛禮恭重千牛之腰書無不覽折五鹿之角論有所持云希文所著有航錄據潮州志修

蔡微字希玄號止庵宋學士襄之裔居萬寧後遷瓊山通經史善文辭知縣李思迪稱其文謂海南儒者未能或之先任樂會學校官後攝瓊郡學事值時不偶遂隱德弗耀纂瓊海方輿志據瓊臺志修孫希武字立夫遂溪人由儒士仕為賓州判官歷臨賀尹廉潔自守不妄與人文亦無妄言賓陽從蠻梗化官司莫能制禦希武作詩勸招之遂皆歸附據雷州志修

李關字子羽海陽人早喪父事母至孝性敏好學通春秋諸子史皆識其大畧至正間元兵逼城關乘夜



貧毋避難歸外族從姓魯氏隱居不仕教授郡邑子弟間有貧者輒與之書籍鄉人有爭者寧聞於官府耻聞於關因號為北源先生據潮州志修周脩字望舒新會人謙恭循禮博通經史既冠邑令聞其賢辟為邑序訓導脩素剛直疾惡如讐值元季亂雖名門亦虧名節而陷於惡逆脩每移書請讓詞語峭直賊帥黃斌見而大怒使人生致之時諸生之在門者咸相與回書營救脩不與曰死生命也安能屈辱於人以求活邪及擁至賊前閉目不為禮高聲以犬彘叱之遂遇害至死罵不絕口時太常卿余觀

國持節招撫江南聞而賢之目為義士云君子曰脩之死不得其是也苟挾已相佐而陷於賊營死可也脩度賊果能用已之言而改行乎遺書以責之自經於溝瀆而已矣脩能閉閣高臥不與相聞問何至自取死哉據廣州人物傳修

周仁瓊山人嘗疫氣大行家族死危甚眾仁獨不忍棄去以避傳染之禍後死者賴葬危者賴調仁亦無恙至正間為山石寨巡檢與賊戰死體解屍失據瓊臺志修

羅蒙正字希呂其先廬陵人父稽叔游學新會遂家

焉蒙正咨稟秀拔勤學強記諸史百家無不成誦甫
弱冠聞肇慶羅斗明工詩往拜之斗明嘉其誠又同
族譜悉以詩法授之一載而歸大有詩名縣尹沈壽
劄吉岡書院禮蒙正於師席一時學者聞風雲集未
幾領湖廣省檄為高州文學秩滿歸仍授徒于書院
至正丁亥赴省試遇開武功銓人或勸其借註巡檢
不屑就以詩答之云儒冠不是將軍具只作當年措
大看既不快心志落落遭元季亂避地郡城館於憲
吏趙式家式薦于司授南恩州教授時州判吳元良
亦文士也素慕蒙正名一見歡如平生元良有志併

合群醜據有一方欲用蒙正為幕賓以替厥謀蒙正識
其志力辭不就後因病以詩謝云願賜一廛閑養病
簡編燈火伴青衿未幾卒元良禮葬之有詩集數卷

傳于鄉

據廣州人
物傳修

劉仁傑興寧人性剛直躬耕留塘至正間舉人材授
循州某官後歸遭周寇之亂欲懾服之不屈遇害據

寧志
修

張友明吳川人元至正九年海寇犯合浦逼瓊山宣
慰司檄化州路通判游弘道以友明為義士同會高
瓊廉諸郡兵船數十艘追寇于海南澄邁之石礮港

時寇窮蹙死戰友明為先鋒與戰俄而海南番兵赴水走寇乘勝四合諸官奔潰惟友明與弘道木藥飛羅武德俱以戰死邑人至今思之

據高州志修

張真號魯庵海陽人潛心性理之學靜處一室玩味經旨衣冠儼然端坐終日從游受業者甚眾家居嚴肅冠婚喪祭一遵文公家禮潮人多化之元末盜起過其里曰此張先生所居不敢犯旁舍亦賴之以安

據潮州志修

張撫字彥謙新會人蒙止門弟子也幼嗜學性敏強記年十八賦崖門懷古詩蒙正器之惜其相從之晚

也洪武初以足疾不能行益留心經籍知縣謝景陽為構書堂于象山之麓俾邑人往從受業扁其軒曰養拙晚年自號病叟人咸以象山先生稱之其學以明理為要詩文以典雅為本不事巧琢其弟子不拘學之淺深皆能識其大要不問可知其為先生徒也

據廣州人物傳修

黃子壽高州信宜人克信宜縣牌兵至正間海寇麥福來破高州城至信宜劫虜人民又搶去本縣印信時子壽率民兵戰退固守其地復會海北廉訪司奏差林澤書吏周文央追賊入海奏差書吏以子壽有

功呈達湖廣行中書省劄付以子壽為高涼路同知
 元末 本朝總兵官征南副將軍失叅政至信宜子
 壽出迎運糧接應追討海寇大敗之由是民乃安息
 將本縣印信起解總兵官仍令子壽署高州府同知
 洪武二年以賢良起取至廣東行省註克海豐驛驛
 丞考滿改除瓜州閘填官又考滿改任戶部軍儲十
 五倉副使卒于官 據高州志修
 梁魯甫者南海人智勇絕人元至正間舉江西省授
 番禺沙灣巡檢尋遭寇起鄉人詣藩臬舉魯甫有可
 倚之才魯甫得檄乃據形勝立柵柵流逋四歸於是

發所蓄以給之不足則以已田稱貸於同鄉富家黎
 仲達輩取穀以繼之寇至則并力禦寇寇退則各事
 生業鄉人賴以安賊使人說魯甫降魯甫怒斬之賊
 率眾攻魯甫遂遇害鄉人立廟祀之謂之忠義祠 據廣

州志

張賢瓊山人至正中陳子瑚寇陷郡城瑚死弟有慶
 接踵煽逆黨與偽萬戶袁元貴鎮撫潘蔭經歷吳紹
 先等屯據瓊城民被荼毒賢倡義兵於丙午年二月
 初二日擊斬袁元貴等暨餘黨不計其數追取各衙
 門印信郡城恢復本道副都元帥陳乾富等達其事

于憲司遂齋馬疋表裏銀碗賞勞授安撫司僉事丁未復立屯田萬戶府以賢機謀宏遠諳畧沉深陞授

萬戶領之 本朝洪武元年同陳乾富奉檄歸附二

年以賢良例起取至廣州告老歸田而卒 據瓊臺志修

周伯玉潮陽人初名瑤元奉讀書自娛累辟不起親

故或勸之出伯玉曰吾讀聖賢書肯北面胡虜乎入

本朝復膺徵命漢曰吾老矣無適於用辭弗就子三

人彥敬彥作彥器皆膺薦 據潮州志修

王顯珠萬州人世為尚首至正間陳子瑚陷州顯珠

率義兵討平之元帥陳安遠擬授萬寧縣簿癸卯土

酋符奴達陳俊甥等竊發及子瑚弟有慶等復攻城

又舉義兵收捕達魯花赤大都請于元帥分司陞縣

尹統民兵保障 本朝洪武初又以勦平草寇王廷

金功復加賞勞壬申子王普養為黎首管黎 據瓊臺志修

論曰道學肇名於宋而粵才寔夥然盛濂溪過化之

効也然道可以學而知不可以智而鑿可以聞而行

不可以言而顯博約之誘孔顏正脉顧乃斥為心障

惟求直截歸依佛法 臨川集歸依三寶讚曰心如寶

坡謂其晚 崇尚壇經 蘇黃門解中肅未發之中壇經

事瞿曇 佛法也 墮於玄空而不自見其過可謂自論者已 史記

越王無疆北伐齊齊使人說曰用智如目目見毫毛而不自見其睫今王知晉之失而不自知越之失是目論躬行孝弟推以及人信近易矣彼事詞章者非獨爲之華藻又從而繡其聲概專訓詁者詭譎之學各習其師是又所謂不如耳學也耳學者聞斯行之見宋書沈慶之傳馮元以禮樂輔君余靖以忠勤體國王大寶以經學受眷李大性以正論立朝可謂學而能知聞而能行者矣崔與之靜而無欲仕能有爲辭相不拜疏十三陳仕止久速不失其時焉雖濂溪見用莫能過也史稱其晚出番禺卓有大臣風烈與曲江齊名異代而其遺表格言發自至誠大類伊訓說命則又非特近

世疇匹而已謂之千載一人非與梁觀國關安石駁蘇文杜佛法一歸於正鉅儒遜服雖石汝礪譚揆不能專美於前也鄭南升郭叔雲學於朱子簡克己黃執矩學於南軒而與之既貴猶師事克己法其篤敬則吾粵道學不雜玄空蓋有自來矣周子傳二程於北而梅鼎臣父子聞學庸於其時朱子友敬夫於南而李用父子述語孟於其後其亦出於詞詁之上者邪他若李廷珙邵曄許申林從周之事功羅孟郊盧侗譚惟寅之文學陳希復鄧酢李昂英郭闔之直諫易青胡斌能飛馬南寶之忠義李訪林昌斯胡彥忠

韓經之孝友而高尚崎士尤難縷數至於二張大魁

天下宋卿肯元王鄒世科王式子佐孫履古蕭劉繼

第蕭雄弟雅及維父子同登趙崇誦祖孫濟美固多

賢也元狄滅華一氣消沮嘉遜如區適趙東山羅蒙

正諸君子亦識時矣哉易不云乎天地閉賢人隱

贊曰五星奎聚再闢渾淪濂溪過化粵才不振明揚

梓里敷奏楓宸騰茂百粵蜚英九旻卓爾名世千載

一人

廣東通志卷第五十八



